



## Tge è il management da cas tras la furmaziun professiunala dal Grischun?

Malgrà differentas mesiras n'ha in tschert dumber da giuvenils e da personas giuvnas creschidas betg pudì absolver ina scolaziun sin il stgalim secundar II ils ultims onns. L'uffizi per la furmaziun professiunala ha reagì sin la problematica ed ha lantschà il project «Management da cas tras la furmaziun professiunala dal Grischun».

Cun il project «Management da cas tras la furmaziun professiunala dal Grischun» vegnan ils giuvenils pertutgads che n'han nagina piazza da scolaziun registrads sistematicamain ed assistids individualmain. Mesiras concretas vegnan coordinadas tras ils posts spezialisads participads. Uschia duai vegnir garantì che las personas giuvnas survegnan in accumpagnament optimal en vista ad ina scolaziun.

Management da cas tras la furmaziun professiunala dal Grischun – per tgi?

Il «management da cas tras la furmaziun professiunala dal Grischun» sa drizza a giuvenils ed a personas giuvnas creschidas tranter 16 e 25 onns, che abitan en il chantun Grischun e

- suenter la finiziun da la scola obligatorica,
  - suenter ina soluziun transitorica u
  - suenter avair interrut l'empredissadi
- che n'han nagina soluziun da cuntinuaziun.

## Co pon ins annunziar giuvenils?

Las personas pertutgadas pon vegnir annunziadas da trais chanals d'access principals al project «Management da cas tras la furmaziun professiunala dal Grischun»:


1. Annunzia da la scola populara – Giuvenils che han terminà la scola senza soluziun da cuntinuaziun suenter la scola obligatorica vegnan registrads tras ina enquista a la fin dal temp da scola obligatoric e vegnan annunziads da la persona d'instrucziun da classa al «management da cas tras la furmaziun professiunala dal Grischun».
2. Annunzia da la soluziun transitorica – Giuvenils senza soluziun da cuntinuaziun suenter ina soluziun transitorica (incl. program da giuventetgna Funtauna) u giuvenils che han interrut la soluziun transitorica vegnan annunziads da las personas responsablas da la soluziun transitorica al «management da cas tras la furmaziun professiunala dal Grischun».
3. Annunzia en cas d'interrupziun da l'empredissadi – Personas che interrompan l'empredissadi e che n'han betg in nov contract d'empredissadi vegnan annunziads da l'inspecturat professiunal al «management da cas tras la furmaziun professiunala dal Grischun».

## Co vegnan accumpagnads ils giuvenils?

Durant il process d'accumpagnament vegnan elavuradas mesiras coordinadas individualmain che duain manar ad ina terminaziun d'ina scolaziun postobligatorica. Communablamain cun ils giuvenils pertutgads vegn la situaziun registrada sistematicamain ed en tut ils secturs da la vita. Fermezzas e deblezzas, pussaivladads e problems vegnan scuvids e furman la basa per l'ulteriur proceder.

Plinavant vegnan svilupadas ulteriuras finamiras, messas prioritads e definidas pussaivladads d'agir. Per mintga singul cas vegnan planisadas mesiras individualas e consultads ils posts correspundents. Las mesiras s'orienteschan a las resursas ed a las finamiras da las personas pertutgadas. Davart il cuntegn e davart il temp vegn il process d'accumpagnament coordinà dal «management da cas tras la furmaziun professiunala dal Grischun».

Ils giuvenils e las personas giuvnas creschidas duain uschè svelt sco pussaivel survegnir la pussaivladad d'agir en moda autodeterminada ed independenta. Per ils giuvenils participads al project «Management da cas tras la furmaziun professiunala dal Grischun» vala il princip agid per gidar sazez!



### Contact ed infurmaziuns

Uffizi per la furmaziun professiunala  
Management da cas tras la furmaziun  
professiunala dal Grischun  
Quaderstrasse 17  
7000 Cuira

tel. 081 257 27 61  
e-mail: info@afb.gr.ch